



ЯМДЕ ЛИЙ

1933 ий 1 февраль годсек лектеш.

0+

У тунемме ий дене!

Шергакан тунемше ден студент-влак, пагалыме ача-ава, педагог да образований ден науко аланыште тыршыше пашаен-шамыч!

Тендам Шинчымаш кече да у тунемме ий тўналме дене саламлем!

Тиде кече икымше классыш кайыше да икымше курсыш толшо ўдыр-рвезе-влакын чоныштым поснак тарвата. Вет нуно йоршеш у илышыш ошкылым ыштат. Тунемаш куштылго огыл, а тиде паша онгай лиеш але уке – чылажат туныктышо деч шога. Шке предметшым келгын палыше да йоча-влакын кумылыштым савырен моштышо педагог гына икшывым шонаш, йодышым чын шындаш, вашмутым кычалаш, шке шонымаш верч пенгыдын шогаш туныкта.

Шке пашажым йоратен тыршыше кажне туныктышылан уло чон дене тауштем. Тыланда кўра профессионал, тачысе саманлан келшыше технологийым илышыш шындарыше, шочмо кундемем да Российым вияндымашке шке надыржым пыштен кертше уста кадр кушкеш.

Пайрем дене, пагалыме йолташ-влак! Тиде тунемме ийыште профессиональный пашаштыда у кўкшытым, отличный отметке-влакым, кугу сенымашым тыланем!

Марий Эл Республикым вуйлатышын пашажым жаплан шуктышо А.А.ЕВСТИФЕЕВ.




В.ГОРОХОВАН фотожо.

Ваня Горохов Советский районысо Кельмаксала школыш 1-ше классыш каен (снимкыште). Классыште - 16 ўдыр-рвезе, туныктышышт - Рената Ивановна Караваева. «1 сентябрьым кенез мучко вученам, - ойла Ваня. - Эн чот вачышкем рюкзакым сакымем шуын. Ачам ден авам школлан мо кўлеш - чыла ондакак налын пуэныт. Школна мотор, классна мылам пеш келшыш. Рената Ивановна поро да сай. Мый садикыш коштмем годымак воктен шогышо школым эре онченам. Пўрт окнана гычат школ коеш. Кунам мыят тыште тунемаш тўналам манын, чот вученам. Ынде вучен шуктышым! Мый первоклассник улам!»

В.ПЕТУХОВА.

Подписке

1 сентябрьыште
Россий мучко 2018 ийын
икымше пелыжлан подписке тургым
тўналын. Йоча-влак, айста пырля почтыш,



«Ямде лий» газетна –
Пеш кугу йолташна.
Тунемаште полша,
Мер пашалан туныкта.
«Ямде лий» газетнам

Арня еда налына,
«Ямде лий» газетнам
Куанен лудына.
Евгения ВАСИЛЬЕВА.
Волжский, Сотнур.

«Ямде
лийлан»
возал-
тына!



Школом ом мондо

Мый Озан олесе школышто тунемам. Ончыч нелырак ыле, вара эркын тунем шуым, кызыт 6-шо классыш ударник семын вончышым.

Сотнур школемат ом мондо, ныл ий тунемме йолташем, туныктышем-влакым эре порын шарнем. Нунылан, поснак икымше туныктышем Антонида Михайлова Васильевалан тауштем. Тудым да моло туныктышо ден воспитательным 1 сентябрь дене саламлем! Пенгыде тазалыкым, пашаштышт сенымашым тыланем!

Мария КУЗЬМИНА.
Озан ола.



25 августышто

Республикысе курчак театрыште пресс-конференций эртен. Театрын художественный вуйлатышыже Алексей ЯМАЕВ 76-шо сезонн «секретше» дене палдарен.

Идалыкын ешыже



Саламлена!

Шернур район гыч ныл ўдыран да кум йыгыр эрган Шабдаровмыт еш «Идалыкын ешыже»

Российысе конкурсышто сенышыш лектын.

Конкурсыш ушнышо 322 еш кокла гыч «Шуко шочшан еш» номинацийыште ойыртемалтыныт. Тидеч ончыч Ульяновскийшто эртаралтыше «Успешная семья Приволжья-2017» V окружной фестивальыште сененет (снимкыште - Кугыжаныш Думын депутатше Владислав Третьяк дене пырля). Уста ешым уло кумылын саламлена, а Татьяна ден Сергей Шабдаровмытлан икшывыштым еш йўлам, шочмо калыкым пагалышым куштымыштлан тауштена. Тек тиде еш кажне мариешлан пример лиеш.

А.ЭМАНОВА.

Йоча - еш эңертыш.

Курчак олмеш - ўмылжў

«Бамбуковый остров» спектакль (драматург - Анна Богачева) дене почын. Спектакль китай йомак семын чоңалтын. Вес йоча спектакль «Как Артёмка мир спасал» маналтеш, тудо Экологий идалыклан пўлеклалтын. Режиссёр - Михаил Белецкий. Тиде спектакльыште артист але курчак-влак огыл, а нунын ўмылышт модаш тўналыт. А теве «Леди Время приглашает в путешествие с куклой» урок пеш онай лийшаш. Жап лўман леди тўрлў курымысо курчак театрла, курчакын шочмыж нерген каласкала, шовыч гыч курчакым ышташ туныкта.

Мо эше онайже? «Оле Лукойе дек унала» II фестиваль лиеш, тушко Российысе вич регион гыч курчак театр-влак толыт. Эше-э-э... м-м... Какшан серысе у оралтыш куснымылан - кум ий!

Наталья СЕМЕНОВА.

Сентябрьыште кеңеж пыта, шыже тўнгалеш. Сентябрь кайык-влакым корнышко вашкыкта. Киса унала толеш. Сентябрь шокшырак чийыкта.

Марий Эл гыч вич туныктышо «Российын эн сай туныктышыжо» лўмым налын. Нунын коклаште - Советский район Ушнур школышто мариеш йылмым да литературым туныктышо З.А.Волкова.

Марий тўвыра рўдер 40 аудиокнигам возен. С. Чавайнын, М. Шкетанын, И. Одарын, В. Абукевын, М. Ушакован да моло мариеш писательын произведенийлаштым колыштын керттыда.

С. Чавайн лўмеш национальный книгадудышто «Поэт, артист, драматург» ончерым чумырымо. Тудо В. Режеж-Гороховын 80 ияш лўмгечыжлан пўлеклалтын. 10 сентябрь марте шуйна. Ончаш толза!

«Ямде лий» - сай газет!

Увер выр-выр

Шерге уна



ПАМПАЛЧЕ: Эчук, Марий Эл Республикысе Кугыжаныш погын вуйлатышын алмаштышыже А.Н.Ивановлан 4 сентябрьште 70 ий темеш. Тудо Машиностроений заводышто, вара Йошкар-Ола горком ден горисполкомышто, Марий Эл правительствыште вуйлатыме пашаште ыштен. Марий калыкын Онъыжаже лийын.

ЭЧУК: Тудо Марий Эл Республикысе тўвыран сулло пашаенже (2007). Марий Эл Кугыжаныш премийым налын. 2012 ийыште «За заслуги перед Марий Эл» орденын медальжым пуэныт. Мыят тудын гай марий калыкын чапле эргыже лийнем.

калык-влакын спартакиадыштышт (1966 ий) юниор-влак коклаште сай результатым ончыктен. Институтышто тренерышт А.А.Печников лийын. 3-шо курсышто самырык спортсменлан тренер пашажымат ўшанен.

Кызытат телым каныш кечылаште Анатолий Николаевичын ече дене коштымжым чўчкыдын ужалш лиеш.

Уныка

Кок ўдырым, Наталья ден

Чавайн тукум Иванов

Шочмо ял

А.Н.Иванов Морко район Арын ялсовет (кызыт Кокласола) Изи Корамас ялеш шочын-кушкын. 71 пўрт лийын, тачысе кечылан 38 сурт кодын. Ачаже ондак сельсовет, вара колхоз председатель лийын, аваже кевытчылан ыштен.

Тунемше

Изи Корамас школым 1962 ийыште Чап кагаз дене тунем пытарен. Ик «нылытанже» веле лектын - йот йылме дене. «Ты предметым тунуктышо лийын огыл. Биолог тунуктен толаша ыле», - шарналта Анатолий Николаевич.

8-ше класс деч вара йодыш лектын: кушко каяш - Арын школыш але Йошкар-Олашке? Ачаже эргыжым фельдшерым ыштынеже улмаш. Но ты ийын медучилищыш тунемаш поген огытыл. Журналист Варсонофий Иванович Ивановын пелашыже темлен: «Рвезе-влак радиомеханический техникумыш пурат. Тыят тўчен ончо». Тунемаш пураш неле лийын гынат, 12 баллым поген, студент ешыш ушнен. 1969-1974 ийлаште Марий политех институтышто тунемын.

Армийыште

Приволжский округысо связь полкышто служитлен. Ротын старшинаже лийын. Учений годым йолташыже-



Пагальме
Анатолий Николаевич!
Тендам 70 ияш лўмгечыда
дене шокшын саламлена. Таза,
кужу ўмыран лийза. «Марий
юнкор» слётнан пашажым
аклен, самырык сьлнымутчо-
влак дене вашлийын мутланымь-
ланда, Онъыжа семын поро
сугыньым пуымылан-
да пеш кугу тау!

«Ямде лийын»
ешыже.

влакын кок-кум автоматыштым сакен куржашат пернен. Кок ийыште ныл гана: 7 ноябрьлан да 9 Майлан - Куйбышев олан Рўдў площадыштыже военный парадыште эртен.

Ече спорт

Техникумышто ече да кучедалмаш секцийлаш коштын. «Спартак» обществын командыж дене Горькийыш таңгасаш миен. РСФСР-ысе

Лилиям, ончен куштеныт. Галина уныкашт 11 ийым темен (снимкыште). Кочкован йўратыме Галюня «Синяя птица» гимназийыш коштеш. Руш, марий, француз, анличан йылмылам тунемеш. Кодшо ийын 4-ше классым «отлично» тунем пытарен. Тидын лўмеш кочаже Москвашке намиен. Ўдырлан пеш келшен. Кочаже шарнымаш пўлек семын «Россия» манын возман упшым налын пуэн.

Чавайн тукум

А.Н.Ивановын ача велым кочаже Сергей Чавайн дене изак-шоляк лийыныт. «Родо-тукум гыч тоштырак енге латкокытын кодынна. Ваш-ваш полшен илена», - ойла Анатолий Николаевич. Сьлнымутым возымо шотышто: студент годым пырдыжгазетым лукмаште тыршен, заводысо «Новатор» газетыш возкален, эсогыл «Марий коммуна» газет редакцийыш пашаш ўжыныт.

Изи годым

- 3-шо класс гычак имньым кычкенам, - каласкала юбиляр. - Йўдым имньым пукшаш каена ыле. Тунам тўрлў онайым ыштылынна, ваш-ваш шўчым да монь йыгенна. Мый кугурак капан уламат, каваным тошкаш кўзыклат ыле. Изи годсо шарнымаш кызытат чоным вўчка.

Л.СЕМЕНОВА.

У тунемме ий дене!



25 августышто Йошкар-Олаште туныктышо-влакын августысо конференцийышт эртыш. Тений тудо вестүкын тўнале: Г.Константинов лўмеш руш драмтеатр ончылно йоча коллектив-влак мурымо да куштымо мастарлыкыштым ончыктышт, а театр кўргыштў могай гына выставке уке ыле!



Россий образований да науко министрын алмаштышыже

Л.М.ОГОРОВОДА:

✓ Тений тунемме прогаммыш у предмет, астрономий, пурталтеш. Могай класс гыч туныкташ тўналыт? 10-шо але 11-ше класс гыч – школын ямде улмыжо шотыш налалтеш, 35 шагат ойыралтшаш. Астрономий дене тергыме паша (ВПР) 2019 ий деч вара эртаралтеш.

✓ Туныктышо-влак аттестацийым вес семын эрташ тўналыт. У йўным Российын 13 регионштыжо тергат.

✓ Вузым тунем пытарен толшо самырык специалист-влакын пашадарыштым кўзыкташ. Ятыр ий пашам ыштыше туныктышын пашадарже деч пеш изи лийшаш огыл.

Марий Эл вуйлатышын пашажым жаплан шуктышо А.А.ЕВСТИФЕЕВ конференцийыште палемден:

✓ 20 школ пу оралтыште верланен, 89 школым пужен олмыктыман. 30 школышто кок смене дене туныктат. Ты пўсў йодышым корандаш 19 у школым чоныман.

✓ Йочасадыш логалаш 4549 ньога (3-7 ияш) черетыште шога. Шушаш ийын Йошкар-Олаште ныл йочасад почылтшаш.

✓ Шуко шочшан ешысе йоча-влаклан кочкаш ик кечылан кызыт 25 тенге ойыралтеш. Нормативым 98 тенге марте кугемдаш гын, ешартыш 140 миллион тенге кўлеш.



Шернур районысо тунемме да самырык-влакын пашашт шотышто пўлкам вуйлатыше Л.В.ЯНДИМИРОВА:

- Районыштына чылаже 24 шинчымаш организаций уло. Тиде - школ да ешартыш шинчымашым пубышо тўнеж-влак. 1 сентябрьыште 2397 йоча парт коклашке шинчын. Нунылан 413 педагог шинчымашым пуаш тўналеш. Тений кок самырык специалист толын: иктыже 2-шо номеран Шернур школышто тўналтыш класслам, а весыже Кукнур школышто руш йылмым туныктат.

Тений 19 школлан у автобусым пубымо. Федеральный окса полшымо дене 29 автобусым налаш палемдыме.



Марий Элысе школлаште 326 туныктышо огеш сите.

Мый йоча-влакым туныктымо да шуарыме пашаште 40 ий наре ыштем. Ешартыш образованийын кўшыл категориян педагогшо лўмым нумалам. Республикысе чыла туныктышо, воспитатель, социальный педагог, спортшколысо, йоча искусство, йоча усталык пўртыштў тыршыше педагог-влакым 1 сентябрь дене шокшын саламлем!

Салам дене А.А.САПАЕВ,
«Ямде лий» газетын почётан юнкоржо.

Волжский, Сотнур.

Школыш вашкем

Таче школыш мый вашкем:
Пуренгаем, кынелам, ошкылам -
Толынат шуам.
Кужу каныш
эртен кайыш -
Тунемаш, виангаш,
Шуаралташ кўлеш.
Кужу йынгыр йўк
йонгалте.
Теве икымше урок -
Тиде лийын
марий йылме
Йўрталме, лишыл чот.
Марина ЧЕМЕКОВА.
Советский, Кукмарий.



1 сентябрьште
 Марий Эл мучко тынар
 школьник парт коклашке
 шинчын: 1-ше классыш –
 8644, 9-ше классыш – 6506,
 11-ше классыш – 3064.



**Марий Эл
 Республикысе
 образований
 да науко
 министр
 Н.В.АДАМОВА:**
 - Уло кумы-
 лын чыладам
 шыжымсе куан-
 ле пайрем –
 Шинчымаш кече – дене
 саламлем!


Шинчымаш – сенымашке
 виктарыше пашан негызше,
 тудо айдемылан профессий-
 ым ойырен налаш да шоны-
 машкыже шуаш полша.
 Шинчымаш ончыкылыклан
 корным почеш, илышым
 поянракым, онгайракым ышта.
 Сандене мый школьник-влак-
 клан тыршен тунемаш, сту-
 дент-влаклан шонымашкышт
 шуаш да келге шинчымашым
 налаш, педагог-влаклан тауш-
 тышо тунемше-влакым, тунук-
 тымо пашаштышт у кўкшытыш
 нўлталташ, ача-ава-влаклан
 шочшышт-влак дене кугеш-
 наш, нунын шинчымашышт да
 тунеммаште сенымашышт
 верч азапланаш тыланем.

Марий
 Эльште 253 школ тунемше-
 влакым вашлийын.

Вуйдорыкым
 виангдаш тыгай упражне-
 нийым ыштыза. Кажне
 мутым лудса да могай тўс
 дене возымо, вигак каласыза.
ЙОШКАРГЕ КАНДЕ
ЙОШКАРГЕ НАРЫНЧЕ
УЖАРГЕ
КАНДЕ ЙОШКАРГЕ
НАРЫНЧЕ УЖАРГЕ
КАНДЕ
НАРЫНЧЕ КАНДЕ
ЙОШКАРГЕ УЖАРГЕ
ЙОШКАРГЕ

Материалым Л.СЕМЕНОВА ямдылен.

Мо тугай «Сенымаш коэффициент»?
 2017 ийыште школьник-влакын Российысе олимпиа-
 дыштышт Марий Эл гыч 21 тунемше 14
 предмет дене тагасен. 12 участник при-
 зёр да сеныше лийын. Нунын кокла гыч
 эн шуkyжо Йошкар-Оласе 28-ше номеран
 лицейын тунемшыже улыт.
 Сенымаш коэффициентым шотлымо годым
 олимпиадыште мыняр сеныше да призёр лек-
 мым шотыш налыт.
**2012 ийыште Марий Элын коэффици-
 ентше 27,3% лийын, 2017 ийыште**
57,1%-ыш шуын.



**Волжский район Карай школын
 директоржо Л.А.СЕРГЕЕВА:**
 - Школышкына куд ял: Курыкўмбал,
 Чапчык, Йывансола, Эгерымбал, Олыкъял
 да Карай - гыч 90 наре йоча тунемаш кошт-
 деш. 1-ше классыш шым икшыве толын.
 Школ пеленысе йочасад группышто 15 ньога
 уло. Шуkyрак налаш верна ок сите.
 Тунемаш чыла йўным ыштымылан тений школна «Ўшан»
 сертификат дене палемдалтын. Педагогем-влак дене
 кугешнем, 17 тунуктышо гыч латик-
 тынже кўшыл категориян улыт.
 Англичан йылмым 25 ий
 утла тунуктышо Надежда
 Александровна
 Поликарпова Россий
 образований да науко
 министерствын
 Почётан грамотшым
 налын. «Эн сай
 класс шагат» конкур-
 сышто сеныше-влак
 радамыш И.В.Арте-
 мьева, А.В.Гордеева,
 И.Е.Янситова логалы-
 ныт. Химий дене тунук-
 тышына уке. Вес школ гыч
 ўжаш перна.



**Медве-
 дево
 район
 Шойбулак
 селасе**
**«Колосок» йочаса-
 дын кугурак воспитательже**
М.Ю.СМИРНОВА:
 - Йочасадышкына 260 икшыве
 коштеш. Ме «От рождения до
 школы» программе почеш пашам
 ыштена. Мо тиде тыгай?
 Модыш полшымо дене йочан
 уш-акылжым пўсемдена.
 Ожнысо марий модыш-
 влакым кучылтына.



- Сайын тунемаш мом ыштыман?**
1. Уроклан мо кўлеш, чыла кид йымалнак лий-
 шаш: учебник, тетрадь, ручка да молат. Нуным
 портфельыште пургедын, жапым ит йомдаре.
 2. Школыш кечым кодыде кошт. Ик урокышто
 от лий – темым умылен от шукто.
 3. Уроклаште тунуктышын йодышыжлан
 вашешташ тырше. Шкеат йодышым пуэде.
 Тыге тунуктышо тунемаш тыршыметым ужеш.
 4. Кажне уроклан ямдылалт. Мўнгысў пашам
 жапыштыже ыште. Тунам сай отметкым налат.
 5. Каналташт жапым му.






Шинчасортала аралыза

Йолташ, кўлеш гын, пыгартыш кинде катышыжым тыланет пуа, кылмет гын, вургемжым кудадын чикта. Ойгымат, куанымат пырля пайла.

Айдемын эше ныл йолан йолташыже уло – тиде пий. Южышт шонгеммешкышт озаштлан эн ўшан-ле лийыт. Кызытсе илышыште эсогыл лишыл ен-влак коклаште тыгайым от уж. Чын йолташым вашлият гын, тудым шинчасорта семын арале!

Юлианна ЕРМОЛАЕВА.

Марий Турек, Сардаял.



Поро янлык

Мӧнгыштына Снежок лўман пырысна уло. Капше сур, а почшо шеме, шинчаже кава гай канде-канде. Нерже ден копаже веле кына тўсан улыт. Снежок - пеш поро янлык. Шўжаремын кумылжым вашке савыра, тудым модыкта.

Алёна ВАСИЛЬЕВА.
Морко, Эгерсола.



Мый сўретлаш йӧратем. Тўн героем-влак семын пырыс ден пийым ойыренам. Нуно чын йолташ улыт.

Арина ГУСАКОВА.
Медведево, Руэм.

Пырысигым кузе муаш?

Тений мыланем пӧлек шотеш изи пырысигым конденыт. Могай лўмым пуаш манын, кок кече шоненам. Вара Себастьян лўмым шонен луктым. Южгунам пырысигем Себа манын кычкырем. Тудыжо лўмжым пала, вигак кудал толеш. Себа газет дене модаш пешак йӧрата, леведалтынат возын кертеш. Пырысигем шылын шинчеш гын, мый холодильник омсам веле почам, тудо тунамак шылме верже гыч кудал лектеш. Шылым пуат манын шона гын веле?

Пырысигем пеш онай. Тудым ешыштына чыланат йӧратат. Кушкын шумекше, пеш вужга пунам пырыс лийшаш.

Маша ОРАЗАЕВА.

Морко, Унчо.


Вася, Вася

Уло мыйын пырысем. Лўмжӧ тудын – Вася. Тудым чотак йӧратем, Воктекем малаш пыштем. Эрднат, касат пукшем, Мече дене модыктем.

Катя СЕМЕНОВА.
Татарстан, Агрыз, Буймо.



Тыгай мотор пырысигым сўретым ончен сўретлаш тунемза.



Пырыс кокла шот дене 10-15 ий ила.

Пырыс суткаште 16 шагат мала.




Ах, могае тамле мўй!

Мыйын Муся пырысигем уло. Пеш мотор, онай, модаш йӧратыше. Мо ӧрыктара: тудо чыла кочкышым кочкеш. Икана мый урем гыч пурышым, кухньышко ончалым. Тушто Муся ўстембак кўзен да мўй тарелке гыч мўйым нулен шинча! Мылам онай чучо да шижде воштыл колтышым. Муся, йўкем колын, вашкен гына кўварыш тӧрштыш, кровать йымаке шыле. Мый тудым пыкше луктым. Южгунам мемнан Мусяна шоколадымат кочкеш. Теве тыгай онай пырысигем. Мый тудым моткочак йӧратем!

Катя РЫБАКОВА.

2-шо номеран Шернур школ.





Н.БОГДАНОВАН фотожо.

Юнкор слёт шукылан туныктен

Мый 3-шо классым чыла «визытан» отметке дене тунем пытаренам. «Ямде лий» газет дене пентгыде кылым кучы-мемлан кенез каныш жапыште «Марий юнкор-2017» слётышто лийынам. Редакций пашаен-влаклан ўжмыштан таум ойлем. Слётышто шуко ум пален налым, лўмлө ен-влак дене вашлийым. Слёт шинчымашем ятырлан пойдарыш.

Ынде 4-ше классыштат тыгак тыршен тунемаш тўналам. Йоратыме «Ямде лий» газетемат куанен лудам, возымемат ом кудалте.

Мый туныктышылан 44 ий пашам ыштыше коваем Алевтина Алексеевна Семёновам, чыла туныктышем, пырля тунемше ўдыр-рвезе-влакым у тунемме ий тўналме дене саламдем!
Анастасия МИХАЙЛОВА.
Волжский, Кугу Корамас.

Йошкар-Олаште эн кўкшө оралте А.Эшкинин уремыште верланен. 2-шо номеран пёртым 12 ий чоненыт. Тудо 16 пачашан да 85 метр кўк-



шытан. Тиде пёрт Йошкар-Олаште веле огыл, Европыштат кермыч дене опытно эн кўкшө оралтылан шотлалтеш.

«О-о-о! Могай кўшнө улына! Ончал, ончал, Ксюша, Йошкар-Ола могай мотор коеш!» - Диана ден Ксения Богдановамыт Оршанке район Кугунур гыч улыт. Ўдыр-влак рўдолашке уналыкеш толмышт годым, шоллан арверым налын ситарырек, паркыш канаш пуреныт, кугу орваш шинчыныт.

Н.СЕМЕНОВА.

Шере кинде

Чай дене йўаш тамле киндым кўэшташ туныктем.

Кўлыт: 4 кўчымө муно, 8 шултыш ош кинде, 5 изи совла сакырложаш, нөшмўй.

Муным тўчен, атыш пыштыза. Тушко сакырложашым ешарыза да чот лугыза. Салмам ырыктыза да нөшмўйым пыштыза. Киндым мунан вартышеш нёртыза да салмаш савыркален-савыркален жаритлыза.



Первоклассникын ранецше (учебникге-моге) йочан кап нелытшын 10-15 процентше деч неле лийшаш огыл.



Чеверын, кенеж!

Пеледалтше шокшо сўрем тылзе
Кайык семын писын чонештен.
Кенежнам мучашла сорла тылзе,
Пўртўс шөртнө тўсыш тёршталтен.
Тўтыра шаланыш, кечыйолым ужын,
Пасулаште комбайн йўк шокта,
Пошкудем тарваныш понгылан чодырашке,
А тунемше школышко вашка.

Юлия ИВАНОВА.
Кужэнгер, Шорсола.



Сўретым чиялте.

Шылын модына



Р.ШАМТИЕВЫН фотожо.

Оршанке район Кугунур ялыште илыше Роман Паирович Шамтиев деке уныкаже-влак кенжеж канышлан кажне ийын чумыргат. Кочашт нуным эре мо дене гынат ӧрыктара. Теве ужыда, лилийже могай кугу лийын! «Менине мотор пеледыш коклаште йомакысе гай шылын модына», - ойлат Нижневартовск гыч унала толшо Лида ден Родион уныкаже-влак (снимкыште).

А.ЭМАНОВА.



Маскаигылан самолётшым шындаш полшо.



Вот вет, кузе вет


Руш йылме урокышто тунемше-влак диктантым серат.

Вачийын чын возымыжо окшакла. Йонгылышым ышташ огыл манын, воктенже шинчыше Машан тетрадшышым «кўта». Кенета пелешта:
- Маша, кузе возенат: «корова» але «корова»?

Мом ышташ? Маша, туныктышо ынже шиж манын, шонен муо вет:
- Возо: Кирилл, Ольга, Роман, Ольга, Виктор, Анна.

В.КУГОРНО.

Меран сўретгыште могай цифр-влак шылыныт?




Кажне радамгыште кудо шинчаончалтыш огеш сите, сўретле.

Ольга БУСЫГИНА

ямдылен.

Шернур, Лебедево.



10 ойыргемым му.

Индекс: Марий Элыште, Пошкырт ден Татарстан кундемлаште - П4696. Тираж 1000 экз. Заказ 1730. Формат - А-4-8. Директор-тўн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.ru, Тел. 45-25-49(факс); 45-22-82.

выктыме. Типографийын

УЧРЕДИТЕЛЬ-ВЛАК:

Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч са- адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымыште законодательством шуктен шогымым эскерыше Федеральный службыв Приволжский федеральный округысо управленийыштыже регистрироватлыме. Номер - ПИ №ФС 18-1999, 2005 ий 10 февральыште пуымо.

0+

Печатьш пуымо жап - 14-00, фактически - 13-00. Ак - кутырен келыше почеш.

Авторын да редакцийын шонмашышт тўрлӧ лийын кертыт. Серыш-влак мӧнгеш огыт колталт.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.